

## М. Әуезов атындағы Оңтүстік Қазақстан университеті

## Қабылдау комиссиясының құрамымен сыбайлас жемқорлыққа қарсы заңнама нормаларын түсіндіру бойынша кездесу

## ХАТТАМА

«06» маусым 2024 ж.  
Сағат 12:00

С.Сүлейменов атындағы  
340 – мәжіліс залы

**Қатысқандар:** Сыбайлас жемқорлыққа қарсы комплаенс-қызметінің жетекшісі Г.Дулатова, Кәсіптік бағдар беру орталығының директоры Т.Заурбеков және орталық қызметкерлері, қабылдау комиссиясының құрамы (қосымшада көрсетілген тізімге сәйкес - 53).

## КҮН ТӘРТІБІ:

1. Қазақстан Республикасының сыбайлас жемқорлыққа қарсы заңнама нормаларын, М.Әуезов атындағы ОҚУ Сыбайлас жемқорлыққа қарсы стандарты, Әдеп кодексі мен Академиялық адалдық қағидалары нормаларын түсіндіру.

2. Қабылдау комиссиясы қызметінде корпоративтік этика нормаларын сақтау, тәуекелдер және оларды жоюға бағытталған ұсынымдарды талқылау.

**Сөз алды:** Сыбайлас жемқорлыққа қарсы – комплаенс қызметінің жетекшісі Г.С.Дулатова.

Күн тәртібіндегі бірінші мәселе бойынша «Қазақстан Республикасының сыбайлас жемқорлыққа қарсы іс-қимыл туралы» Заңының 9 бабына сәйкес сыбайлас жемқорлыққа қарсы іс-қимыл шараларының жүйесіне, жемқорлыққа қарсы білім беру мен мәдениетті арттырудың маңыздылығына тоқталды.

Сонымен қатар Кәсіптік бағдар беру және қабылдау комиссиясы қызметіндегі сыбайлас жемқорлық тәуекелдеріне тоқталып, тиісті ұсынымдар дайындалғанын атап өтті. Сыбайлас жемқорлыққа қарсы мониторинг, қаржылық бақылау шаралары, қаржылық шектеулер мен мүдделер қақтығысының алдын алу сияқты сыбайлас жемқорлық құқық бұзушылықтарына ықпал ететін себептер туралы ақпараттандырды.

Атап айтқанда, сыбайлас жемқорлық құқық бұзушылықтарының кез-келген көрінісі үшін жазаның бұлтартпастығын, пайдакүнемдік сипаттағы іс-әрекеттер немесе жұмыс берушінің мүддесін жеке мақсаттарға пайдалану, алаяқтық, заңсыз сыйақы алу, беру, талап ету, т.б. заң бұзушылықтар үшін жауаптылық түрлерін ескертті.

Қабылдау комиссиясының құрамына М.Әуезов атындағы ОҚУ-нің Сыбайлас жемқорлыққа қарсы стандарты, Әдеп кодексі және Академиялық адалдық қағидалары нормаларын таныстыру үшін жыл сайын кездесу

өткізіліп, ішкі актілер тиісті интернет-ресурстарға орналастырылатынын хабарлады.

Қосымша Сыбайлас жемқорлыққа қарсы комплаенс-қызметінің кері байланыс арналары, әлеуметтік желі парақшалары және 1424 номерін таныстырды.



Күн тәртібіндегі екінші мәселе бойынша корпоративтік этика және сыбайлас жемқорлық тәуекелдеріне талдау жасап, қоса тіркелген презентациядағы ақпараттарға кеңінен тоқталды (Қосымша №1).



Тәуекелдердің негізгі бағыттары:

- шығармашылық емтихандарды қабылдау барысына бақылаудың әлсіздігі;
- негізсіз бағалау фактілері мен емтихан тізбелерін өзгеру ықтималдығы;
- қызметкерлер (техникалық хатшылардың) оқуға түсіру, қабылдау немесе өзге оқу орнына қабылдану мақсатында заңсыз сыйақы алу, беру, талап ету ықтималдығы;
- талапкерлерге мемлекеттік тапсырыс иеленуге ықпал ету түріндегі алаяқтық;

- мүдделер қақтығысының орын алу мүмкіндігі.

Әрбір тәуекелдің индикаторлары көрсетіліп, оларды жоюға бағытталған ұсынымдар таныстырылды.

Тәуекелдерді төмендету мақсатында төмендегі шаралар ұсынылды:

- 2024 жылғы сәйкес білім беру бағдарламаларының шығармашылық түсу емтихандарын бақылау үшін Мониторингтік топ тұру;

- шығармашылық емтихандар нәтижелерінің айқындығын қамтамасыз ету мақсатында шығармашылық түсу емтихандарының тізбесіне комплаенс-қызметті келісу нүктесі ретінде қосу.



Комплаенс-қызметінің ұсынымдары, іс-шара қатысушыларының ортақ талқылаулары нәтижесінде тиісті тұжырымдар жасалды.

### **ШЕШІМ:**

1. Қазақстан Республикасының «Сыбайлас жемқорлыққа қарсы іс-қимыл туралы» Заңы мен «М.Әуезов атындағы ОҚУ» КЕ АҚ-ның ішкі актілерінің нормалары басшылыққа алынсын.

2. 2024 жылғы сәйкес білім беру бағдарламаларының шығармашылық түсу емтихандарын бақылау үшін Мониторингтік топ тұру СЖҚКҚ жетекшісі Г.Дулатоваға жүктелсін.

3. Шығармашылық түсу емтихандарының тізбесіне комплаенс-қызметті келісу нүктесі ретінде қосу мүмкіндігін қарастыру және ұсыныс жобасын әзірлеу КББО директоры Т.Заурбековке жүктелсін.

4. Оқуға түсуге қатысты мәселелер бойынша азаматтардың өтініштері мен арыз-шағымдарын объективті қарау қамтамасыз етілсін.

5. Профилактикалық сипатта ұйымдастырылған іс-шара туралы ақпарат университеттің ресми интернет-ресурсы мен әлеуметтік желі парақшаларына орналастырылсын.

Басқарма төрағасы – ректор м.у.а.

Қ.Е.Нұрманбетов

Сыбайлас жемқорлыққа қарсы  
комплаенс-қызметінің жетекшісі

Г.С.Дулатова

Хатшы:

Д.Кұрасбек